



UNIVERSITÄTS-
BIBLIOTHEK
PADERBORN

Universitätsbibliothek Paderborn

Exemplorum Libri Tres

Liber Tertius, Sive Exempla Divinae Irae, Per Opera Poenitentiae, Nobis
Leniendae - Per Quadragesimam Anno M. DC. XLVIII. narrata

Stengel, Georg

Ingolstadii, 1650

§. 1. Misericordiam & potentiam Dei eredendam esse poenitenti.

[urn:nbn:de:hbz:466:1-48194](https://nbn-resolving.org/urn:nbn:de:hbz:466:1-48194)

lūm vsque septies, sed etiam vsque *septuagies septies*, hoc est, sine numero & fine, ignoscere, multo id ipse vellet magis prestare, ut nos ad penitentiam adducat. Inter homines nihil est difficilius, quam vel leuem iniuriam lædenti ignoscere: opus autem hoc Dei est, vt grauissima ignoscat, & citò & faciliè: *Misereris omnium, quia omnia potes, & dissimulas peccata hominum propter penitentiam. Diligis enim omnia, qua sunt. Parcis autem omnibus* (eti- am qui in Inferno citra condignum puniuntur) *Quoniam tua sunt, Domine, qui amas animas.* Hæc malos faciunt peiores, dum cogitant: Si ita est, pergam peccare, quia habemus misericordem Dominum, & sic in misericordiam offendunt, qui cæci sunt, & de spinis uvas volunt colligere: eos autem, qui norunt æstimare virtutem, à peccato potenter abducunt dicentes, Indignum esse, vt tanta bonitas offendatur, quæ utique amanda est, quia amabilis est, & non sine incredibili iniuria læditur. Quare in lachrymas prorumpunt, & penitentiam agunt. Multoquæ id magis animat pios. Quisquis enim Petrum peccatorem tam desperatum videt, prò vno Rosario recitato, Mariæ auxilium tam citò, inmodò veniam ab ipso Christo obtinuisse; cogitat se, tot operibus bonis, in Congregatione, vel alibi, oblatis, non solum spem veniæ, sed etiam æterna præmia consecuturum. Quare & opera egregiè ardentèquæ exercet; & si in Sodalitate adhuc nulla est, cum Petro, propria se in aliquam manu inscribit; æstimatquæ reuera magni, quod non flocci faciunt nisi desperati.

Math. 18. 22.

Rom. 2. 4.

Sap. 11. 24.

C A P V T VI.

IN IUVENE CHIROGRAPHVM SVVM
A MALO GENIO RECIPIENTE DOCETVR,
NULLVM ESSE TANTVM PECCATOREM, QVEM

IMMENSE DEI POTENTIA NON POSSIT IN GRATIAM RECIPERE, SI VELIT AGERE PENITENTIAM.



DAVID rex peccantis pariter, & penitentis fuit exemplū, vt, ob ipsam dignitatis eminentiam, tantò conspectius esset, quidquid de eo legeretur, tantoquæ libentiùs, qui

I.
MISERICOR-
DIAM ET PO-
NITENTIAM

K

cum

DEI CREDEN-
DAM ESSE FOR-
NITENTI.
1. Reg. 22. 5.

Psal. 6: 7.
Ibid. 7. 12.

Gen. 4. 33.

Psal. 50. 1.

II.
S. Antonin.
p. 2. Chron.
c. 4. f. j. ex
Vinc. c. 79. &
de S. Basilio
scripserunt

eum peccantem sunt secuti, etiam poenitentem sequerentur. Ad poenitentiam autem eum multa pertraxerunt, nimirum Gad Propheta, conscientia & fœditas peccati, minæ & iustitia Domini; sed inprimis diuina bonitas, potestas, & clementia, quæ eum in spem veniæ erexit. Hinc cum per poenitentiam volens se Deo submittere, dixit: *Nonne Deo subiecta erit anima mea?* tandem velut causam eius subiectionis adiecit: *Semel locutus est Deus, duo hæc audisti, quia potestas Dei est, & tibi, Domine, misericordia.* Hæc duo per fidem Deus loquitur in anima peccatoris, ad viam reducendi; scilicet ad eum Deum esse misericordem, vt velit omnes homines saluos fieri, neque vllum ad eum esse sceleratum, quem non velit in viam reducere salutis. Quod supra docuimus. Superest alia peccatoris machina, qua hominem ad desperationem impellit, vt ei suggerat, eum res illius venisse, siue ob inueteratam consuetudinem, siue ob enormitatem & multitudinem scelerum, quæ superat multitudinem arenæ maris, vt Deus ei amplius non possit ignoscere. Nam & hoc significauit Cain dicens: *maior est iniquitas mea, quam vt veniam merear.* Et perinde est, siue misericordia Deo, siue potestas negetur: vtraque est enim in se æqualis, & infinita. Et video non solum quosdam grauissimos peccatores in eam hæresin delabi, vt putent, credantque, Deum non posse nimis profundè lapsos educere de lacu miseriæ; sed etiam quosdam pios, & qui Dei potentiam infinitam profitentur, viros in ea opinione esse, vt saltem nobis de quibusdam generibus peccatorum sit desperandum, eosque in suis sordibus relinquendos, ne oleum & opera perdat. Ad hos quoque errore liberandos accipite exemplum, è quo, potentia diuinâ manifestè intellecta, ad eiusdem Dei clementiam recurrere, & quotidie dicere discatis: *Miserere mei, Deus.* Numquam enim hoc dicet, qui putauerit, frustra dici, Deumque non posse iuare quosdam peccatores.

S. Antoninus Archiepiscopus Florentinus, in parte 2. chronicorum, atque ante eum alij testantur, eximia eruditionis, sanctitatis, & authoritatis Episcopum fuisse D. Basilium. Cui etiam multum opinionis addidit, quod sequitur Factum. Circa An. Domini 370. imperante Valente, Cæsare in Cappadocia, Proterius quidam erat, homo locuples, & prouecta ætate; qui, quia viribus